

鈴大將劉明追攝等神部衛受度亡者某魂
并諸宗親孤幽等衆上昇 朱宮琰丹聚神
澄正至真各令超化
符到奉行

年 月 日告下

具位 臣姓某承諾奉行

列師街如前

生天錄

元始符命生天寶錄



右錄普告三界昭示萬靈拔度神魂超登

仙界一如

告命

年 月 日告下

具位 臣姓某承諾奉行

列師街如前

道法會元卷之三十二

道法會元卷之三十三

上清龍天通明鍊度玄科

持十

法事 告淨穢符 呪水淨壇

祝功曹傳香達信 告信香三符

師上香 衆諷青華誥

具位臣姓某稽首歸命志心上告

虞元自然元始天尊太上道君靈寶天尊太
上老君道德天尊南極長生大帝統天元聖
天尊東極青華大帝太一救苦天尊九天可
韓丈人朱陵度命天尊十方救苦天尊真人
童子九天生神上帝東華木公上相西靈金
母元君五方五老帝君諸天尊日君月后
北斗南辰五星列曜玄冥夫人周天萬象高
真清微宗主真元妙化上帝太初天君紫宸
太華天宮玉虛明皇道君上清玄一三真人
三元三官大帝北極法主四聖真君雷霆九
司真君祖師三天大法師正一真人金闕上
保紫虛元君太極左宮仙公真君九州都仙
太史真君僉書三省浮丘真君宗師金闕昭
凝妙道保仙元君瓊室洞清郭元君福和耀

真傳元君龍光道明姚元君紫英玉惠高元
君洞陽上宰清虛華真人青城山通慧朱真
人雲山保一李真人眉山混隱南真人丹山
雷淵黃真人西山真息熊真人秦智冲和彭
真人洞淵塵外曾真人後儀原陽趙真人清
微靈寶道德正一諸法演法宗師清微三炁
九霄符章經道雷帝天君十方飛天神王九
天度魂真宰南昌上宮下宮南陵樞府朱陵
火府靈寶大法司上清黃錄院東極善政院
聚塊五總府北魁玄範府諸司真宰三界五
天大勳魔王地水陽曹幽冥主宰咸望洪慈
俯垂濟度

臣聞民生太古初無賢愚得失之殊世降澆
風迺有罪福升沉之異蓋原始返終而知死
生之理則因時設教而立遷接之科示號龍
天通明體純陽輕清而表裏瑩徹由我
慈尊洞慧今幽關朗耀而沉滯昇遷恩被群
生化行九有臣某忝忝正法普濟舍靈茲領
來悅合伸關告今據入意以今告命諸司官
將謹為召集諸類亡幽開建壇場舉行鍊度

伏願哀矜普趣大開方便之門委注祥光洞
煥幽陰之境飭仙靈而翊贊攝魄魄以來臨
梵炁周迴金光遍虛空而散彩玉章流演群
靈獲時刻以昇遷成度人無量之功顯洞真
自然之妙臣某下情不勝虔禱俟命之至謹

言

諷金光呪

三境慈尊諸天梵炁下映兆身師欽息規
中默運金光透出頂門上接霄漢監度衆
真法中將吏浮空而至洋洋左右

隨機赴感天尊

告召諸將符

恭奉道旨謹召上清神烈陰陽苟畢二雷君
玉清左右衛主水火王趙二將軍流金火鈴
威雷大將劉天君龍天飛元攝魂徐符使神
虎何喬二元帥三部使者七真玉女天醫諸
大功曹從官符吏所佩法錄中雷霆獄罰諸
司將吏當境城隍里域社令祀典土地正神
壇靖真官贊化威靈當願不違弘誓齊集行
壇列職分司濟幽拔滯勉宣神化茂建殊勳

一如元降疾速奉行

靈通品量天尊

告役追攝官將符

恭奉道旨謹請龍天飛元攝魂徐符使同神
虎何喬二元帥各部官屬追攝等神照依元
承事理火速通會泰山沿路土地丘丞墓伯
蒿里丈人河伯河侯山林孟長即今引上所
薦亡某併本門宗親法界孤魂囚徒苦孽等
衆赴攝應召受度超生仍仰禁止狂魂猖魄
善靜臨壇不得因而射害生人報復讎怨盟
真。具有格威禁至重事須遵奉請勿有違速去
速來明彰報應

開清長夜天尊

告通幽符

茫茫鄴都中 重重金剛山 靈寶無量光
洞照炎池煩 七祖諸幽魂 身隨香雲幡
定慧青蓮花 上生神永安 三編
師結五嶽印請降三境慈尊恩光下照幽
關師內運神光燦開鬼戶仍取鬼炁吹布

壇前魂爽乘光而至序立壇前

北魁玉文布靈真文中上列五星應五行子午卯酉

東斗聚魂功都成東南辰攝魄切角鎮南

西靈追命與生轉西北極召魂獨隸遷北

中黃聚靈可韓明中紅杏墨累生鬼魂坤子

磨針襪購從坤現坤靈寶藏中五斗橫中

聚魂攝魄立顯現現太一真人歌斗章北

急急召魂如閃電電感此禳徨赴我攝攝

賜汝靈書子朝上清急急如

北斗玄冥神虎紫光太一夫人律令

告召魂符 表白請亡孤

護魂慈救天尊

咨爾召到亡魂幽靈等衆仰承道力已到法
庭尚恐汝等住世之日大患有身為風寒暑
濕之所侵被刑戮損傷之所苦積怨念而成
寃對稔罪戾而致報償雖脫幻形難忘苦趣
况纏業垢未遂蕩除今按
太上科教特與和釋醫藥然後更衣沐浴以
俟朝參謹請

天醫諸大功曹從官符吏追攝等神準奉符

命特與和釋冤仇醫療疾恙一如律令依應施行

解冤釋結天尊告證正符

念想執迷結為冤對想滅念滅冤對亦無天尊慈憫九夜沉魂遞相執對不悟攝因攝因本無妄想非真疑神清淨冤對停輪

垂慈普濟天尊

天醫仙靈效職委注道炁攻療所患師內運真元五行正炁徧布魂爽密呪曰

嘵嘵呢咭啼喇吵訶

太一司命 桃康合延 執符把錄 保命生根
上遊上清 出入華房 八冥之內 細微之中
下鎮人身 泥丸絳宮 中理五炁 混合百神
十轉回靈 萬炁齊仙

黃華蕩形天尊告丹陽符于浴所

師運真水降注華池眾魂皆得清淨

龍漢蕩蕩無形無名 渺渺億劫黃道開明
神清朗耀 九炁吐精 玉虛澄輝 太霞高明
元始開化 諸天齋臨 三元導養 二象攝生
未度者度 未成者成 已死者化 已枯者榮

蠢動萌息 一切冥靈 懷胎含孕 俱得生成
亡者命過 魂歸三清 魄受鍊度 南宮飛昇
今日大吉 皆得光明 五帝鑑映 普告萬靈
天神地祇 及諸河源 五嶽四瀆 及諸名山
洞玄洞虛 洞空洞仙 無極大道 至真尊神
無窮無極 普監度生 惡根斷絕 玄都記名
眾真班列 一切咸聽

清水度魂天尊

太上垂慈濟 愍念在寒庭 幽魂無極眾
寒囊多裸形 惟望陽間度 功德及幽冥
一衣化無量 一服俵千生 從今盡冠帶
變化憑火精 受今拔贖後 萬劫離寒庭
妙化無邊天尊
淋垢蕩瑕既遂形神之清淨思真悔過仰瞻
宸極以首陳隨我華幡參朝上帝

總朝上帝天尊

表白引亡朝參

朝參太上無極大道三境高尊十華上聖
朝參神霄主教鍊度三師上聖
朝參演教師真諸司官將應感真靈

罪從心起將心懺心若忘時罪亦無忘心無
罪兩俱空此即是名真懺悔 願罪消除
願罪消除 世世生生 常親正教
朝參既畢懺悔云周退赴斛庭伺候法旨
宛味希夷天尊

諸仙子等昔有幻身所養必資於飲食魂歸
冥漢云何尚想於飢虛蓋由嗜慾之未忘今
伏加持而可濟了汝妄念登我法門

太上開咽喉利飲食黃華甘露諸品法言
逐一宣演
告丹陽符于水盂中
唵哩吽啼呼吒啼攝華耶九係

降太上靈光天中甘露合已真炁徧布斛
蓮變化無窮悉皆飽滿
玉清惠命頌

玉清惠命頌

稽首玉清元始尊 稽首金闕虛無帝
包含造化運陰陽 極處自然無疑滯
生天生地生人物 五色祥光隨處慧
度人无量不思議 敢仗祥光來拯濟
歸命東極宮中尊 歸命十方救苦尊

如夢弗覺昇陞無停今奉

天專道旨昭示因果剖析玄微使汝開明不致迷惑各宜洗心悔悟諦聽無謬羽衆同音宣揚智慧

智慧生戒根 真道戒為主 三寶由是興

高仙所崇受 泛此不死舟 倏忽濟大有 當此說戒時 諸天皆稽首

常傳真戒天尊

原夫無極之真至道之精混成之妙湛寂虛靈自一元肇判三景開明天地得之以真位品物得之以流形最靈者人受中曰性該具衆理主宰一身即所謂不壞真空本來面目是也初無今古何有死生有死生者特一炁之聚散耳聚則形成而住散則形壞而空宙其曩劫一念有差遂致展轉淪入胎卵濕化托生受形假地炁以成骨肉齒爪毛髮假水炁以成涕唾氣血精津假火炁以成熱溫假風氣以成運動形既假合自性附形在眼能視貪欲色塵在耳能聽貪欲音聲在鼻能嗅貪欲馨香在舌能食貪欲滋味在身能動貪

欲營為在意思慮觸法迷真於是六塵既入

於六根六欲因之而熾盛不悟色聲香氣之過乎耳目鼻孔渾若空花滋味過三寸舌入喉下咽又成何物勞心苦意妄想胡為自昧本來認苦為樂一旦無常到來不知地水火

風之形即時敗壞而根塵染習之業曠劫未忘遂致考掠之形囚牢之境辛酸萬狀一一現前長夜漫漫孰為憐憫惟我

祖師上體生恩仗弘正教嘉彼我等紹襲真宗為諸仙魂開明道要汝等有緣際遇聆聽法音政好回頭各各猛省昔為根塵引誘以假為真認賊為子因有許多煩惱輪迴生死冤親業累報對無停今既知四大形體各已壞空六慾根塵俱為幻化譬如病眼妄見空花實無所有有不滅者唯自性法身耳諦觀法身本來無象非臭味聲色之可擬非見聞學識之可量大則囊括宇宙小則入於毫芒昧者如隔千里出入無常悟者不離當處便到家鄉爾諸仙魂能自悟否觀一切有作必竟空忘則一切善惡都莫思量正恁麼時獨

露堂堂下靜

天地不能包裹日月難耀其光妙用縱橫在我收放尚何死生業累之有哉先達云人若不為形所累眼前便是大羅天信斯言也爾諸仙魂果能究竟至此即得永度三塗五苦八難超凌三界逍遙上清矣倘由未微當為宣傳歸戒付汝佩持歸奉真宗克臻妙果汝等一心歸依三寶

歸依元始法王至真天寶

歸依玉宸道君至真靈寶

歸依道德高尊至真神寶

九真戒曰

一者克勤忠於

君主

二者敬讓孝養父母

三者不殺慈救衆生

四者不淫正身處物

五者不盜推義損己

六者不嗔兇怒凌人

七者不詐諂賊害善

八者不驕傲忽至真

九者不二奉戒專一

九真戒者宣告亡靈奉戒專心克臻妙果如上歸戒皆太上留傳人天仰賴故學道而不

奉戒如濟川之無舟楫安能到於彼岸果能諸惡不作衆善奉行則戒法抑將焉用乃至善惡俱泯空有兩忘冥合洞虛永脫輪轉矣咨爾魂識勉旃勉旃開度符文逐一告給

宣生天籙 功德牒

符籙宣傳靈儀佩奉尚慮汝等乍離冥漢久隔陽光未復真元易起仙界惟空洞生神之旨明聖胎返本之方七誦重開頗類丹砂之七返九轉景靈備正如金液之九還聞之者離苦登真悟之者超凡入聖在壇法衆特為宣揚法部仙靈引魂受鍊

南宮開鍊天尊

師行水火鍊度之法

寂寂至無宗 虛峙劫伊阿 豁落洞玄文 誰測此幽遐 一入大乘路 孰計年劫多 不生亦不滅 欲生因蓮花 超凌三界途 慈心解世羅 真人無上德 世世為仙家

九天生神天尊

師存九天委悉護度衆魂

諷生神章告水火正鍊諸符

衆魂悉已受鍊死如玉嬰足履蓮花便當超度

登真度命天尊

奉白諸仙子等陶魂鑄魄功已畢於九還度命登真道乃歸於一致自此昇矣汝往欽哉

謹請

龍天飛元攝魂徐符使同流金火鈴威雷大將劉天君神虎追攝官衆護送仙魂生天得道昇度符語聽令奉行

宣生真符語 表白引亡辭謝

辭謝三境高尊十華上聖

和當願衆魂徑上南宮生天得道

辭謝三霄主教練度高真

和當願衆魂徑上南宮生天得道

辭謝演法師真諸司官將應感真靈

和當願衆魂徑上南宮生天得道

辭謝已畢穩步層霄効職官君護魂昇度

送亡焚燎

師行昇度法衆魂乘光上朝丹極昇入無

形師解座

回謝

具職臣某焚香歸謝

虛皇大道妙有高真落教宗師應感列聖臣適來為某恭依科法鍊度云周仰荷高真俯垂洞鑑尚慮臣學不至道體未洞真行持或戾於科規存念罔終於微妙尚冀哀憐凡昧開宥愆辜庶俾亡者生天齋主獲福嘉被臣等學道得道求仙得仙上資宗親下及幽滯盡未來際一切衆生普上法橋無有障礙干冒威嚴臣下情不勝昭謝之至謹言

諷虛皇神呪經回謝將吏

積功成聖天尊

仰惟上清神烈苟畢二雷君玉清左右王趙二將軍流金火鈴大將軍龍天飛元攝魂徐符使天醫功曹從官符吏神虎追攝將吏鍊度合干神員本佩法籙諸司官屬城隍社令效職等神鑑今鍊度周圓仰憑法衆諷誦虛皇神呪妙經特伸歸謝所冀回星置於天上撒池沼於壇前護送幽冥均諧超度回向功德願積功成聖進仙階和進仙階

向來

道法會元卷之三十三

道法會元卷之三十四

持十一

清微龍天通明內鍊松旨

凡行鍊度首初具錄誠意上聞慈尊瓊書

上誥師家書申祖元君備牒城隍尊差徐

符使追攝當行鍊之時先夕再備公牒一

道朱批攝塊符於年月之左用印命押訖

次日清早發遣關告催退然後靜坐默啓

三境慈尊師帥請降恩光書拂符錄收起

次隨意誦經號不拘多少回向惟在至誠

此日必當簡節俗事寡慾清心行坐之間

默持太乙慈尊號務要純一以致感通候

日暮於閑靜處或法靖中望空設一卓左

置香爐右置水盂前頓飯盒師正坐從容

詳緩行鍊度法默念

淨口業呪

綺妄語謔兼兩舌悖辭詬詆恣凌人願談道

德改前愆語合天心口靈聖

淨身業呪

殺盜淫邪汚行免慈廉正直可通神是為清

淨自然身四獸百靈長擁護

淨心業呪

道境清明無穢淨會嘆痴昧曰妖邪澄心滅
念等虛空是即大羅無色界

蕩穢呪

琳琅振響十方肅清河海靜默山嶽吞煙萬

靈振伏招集群仙天無氛穢地絕妖塵冥慧

洞清大量玄玄

內外壇場皆成金光淨界師飛三台蓋頭

南斗于前北斗于後魁指良尸然後凝神

定息物我兩忘密祝功曹云

曹青奕欽 唵唵叻哪吽吽叱哩攝謹請

直日傳奏功曹使者當境土地里社正神傳

此信香通誠速悃請降

三境慈尊宗師真宰關集諸司將吏效職威

靈俯賜光臨鑒今祭鍊功曹使者速去速來

佇俟昭報

存功曹土地承命而去次念慈尊號及救

苦經存三境慈尊諸天梵炁下映兆身欽

息規中默運金光透出頂門上接霄漢監

度衆真淨空而至法中將吏洋洋左右次